



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

De duratione huius Bullæ. Cap. I:

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

412
P A R S T E R T I A

De duratione huius Bullæ. Cap. I.

Volentes præsentis nostros processus, ac omnia, & quæcunque his litteris contenta quousque alij huiusmodi processus à nobis, aut à Rom. Pontifice pro tempore existenti fiant, aut publicentur, durare, suosque effectus omnino sortiri.

S V M M A.

- 1 Excommunicationes, interdicta, ac reliqua contenta in hac Bulla etiam post mortem Rom. Pontificis obligant, ac durant, quæ regula, quousque pateat, declaratur.
- 2 Bulla hæc durat, esto qui illam tulit moriatur, vel
E Pontificatu se abdicauerit, vel
Ob hæresim depositus sit, vel
Esto alia facta sit, sed non promulgata.

Absoluimus Dei benignitate duas huius Bullæ partes, reliquum est, ut tertiam ac postremam aggrediamur.

Et quoniam octo partes continet, ob eam rem, ut aptior, faciliorque ipsarum cognitio habeatur, in octo capita ipsam diuidemus, in quorum primo de duratione huius Bullæ, in reliquis de

aliis agemus.

Quoad primum igitur, ne ab instituto nostro discedamus regulam ponamus.

- 1 Excommunicationes igitur, & interdicta, ac reliqua contenta in hac Bulla durant, & obligant non solum vivente Clemente octavo Pont. Max. qui illam tulit, verum etiam & post mortem eius, ut habetur in verbis Bullæ, nam ex quo vult hos processus durare, quousque aut a se, aut a Romano Pontifice pro tempore existente alii fiant, & publicentur, ergo vult etiam post obitum suum durare, nam alius Pontifex esse non potest, qui processus hos faciat, dum ipse vivit, consequitur ergo, ex quo vult, ut durent, quousque alius Pontifex processus alios faciat, aut publicet, & ipso mortuo ipsos durare velle, qui enim vult consequens, & antecedens velle intelligitur. argum. S. idemque iuris. Instit. quibus ex caus. manu mitt.

mitt. non lic.

2 Hæc autem regula, f vt Bulla hæc etiam post mortem duret, locum habet, esto civiliter moriatur, quod Deus Opt. Max. auertat, vt pote ab hostibus captus, non mors naturalis, aut Civilis in hoc similes sunt. arg. c. si Episcopus. de suppl. neg. prælat. li. 6. etenim nec tunc Sedes vacat, nam nec S. Petro in carcerem incluso alius in eius locum suffectus est, sed oratio sine intermissione fiebat ab Ecclesia ad Deum pro eo, vt habetur in actis Apostolorum. capitul. 12.

Item regula hæc locum habet, si è Pontificatu se abdicasset, id est renunciaffet, id enim potest, vt dicitur in cap. 1. de renunciat. libro 6. & facit citat. capitul. si Episcopus. iunã. Glos. Mortem. de suppl. neg. prælat.

Tertio durat Bulla, esto ob hæresim depositus sit. arg. cit. capit. si Episcopus. iunã. Glos. Mortem. Et ad summam, quacunque ratione vacet Sedes Apostolica, durat hæc Bulla.

Quarto durat etiam, esto alia facta sit, sed nõ promulgata, nam ante promulgationem nõ obligat. argument. auth. vt fact. nou. const. & S. leges instituuntur. distinã. 4. idque merito, iniquum enim videretur quem inscium legis ea obligari.

Postremo durat Bulla hæc etiã, postquam nouus Pontifex creatus est, & aliam non fecit, nã vult

auator huius Bullæ, eousque durare, quousque vel ipse, vel alius, & sic successor processus alios facit, vel publicat, ut habetur in capite proposito.

Immo, etsi primus successor id non fecerit, vel secundus, vel tertius, & ad summam nemo alius, se per hæc duraret, ob verba illa. Aut Romano Põtifici pro tempore existente. Quousque igitur Bulla hæc durabit, quicunque ipsam offendit, in prædictas pœnas incidet. Sed iam casus, in quibus Bulla hæc tollitur, explicemus, id quod in seq. præstabimus.

S V M M A.

- 1 Bulla hæc quot modis extinguatur.
- 2 Excommunicati per hanc Bullam, nisi absoluantur, semper sunt excommunicati.

Proposuius nobis explicandum, in quibus casibus Bulla hæc tollatur, iam ergo rem aggrediamur.

- 1 Primum igitur Bulla f hæc tollitur, vbi auator eius aliam promulgauit, vt dicitur in verbis. Non enim sat est, vt fiat, sed necesse etiam est, vt promulgetur, vt proxime dixi. Nec repugnant

ver-

verba illa fiant, aut publicentur, quasi sit sic, ob alternatiuam illam. Aut, que vnum tantum adimpleri requirit, argumen. l. si heredi plures. ff. de cond. instit. processus huiusmodi alios aut fieri, aut publicari, quo Bulla hæc tollatur, nam ea verba in hanc sententiam accipiuntur, fiant, scilicet denuo ab ipsomet Pontifice, Publicentur, scilicet ab alio facti, quasi dicat vel Pontifex Romanus novos processus ipsemet faciat, vel factos ab alio promulget, exempli gratia a Pio Quinto factos, nihil interest, sic enim & Imperator hac loquendi forma vsus est in proœmio Institut. dum inquit. Omnes vero populi legibus tam a nobis promulgatis, quam compositis, reguntur.

Hæc ibi Imperator, ex quib. apparet illud compositis pro factis intelligi, vt Gloss. ibi declarat, & tamen leges non obligant, nec ipsis populi reguntur, antequam promulgentur, aut publicentur. argumen. cit. authen. vt facti. nou. const. & §. leges instituuntur. distin. 4.

Nec repugnat dictio illa Aut, nam quod verba secundum subiectam materiam accipiuntur. arg. l. si vno. ff. loc. & l. plenum. §. equitii. ff. de vsu & habi. dictio illa alternatiua, vel, pro coniuncta accipitur, quod aliquando potest, vbi materia id suadet, vt habetur in l. cum quidam. C. de verb. sign. & l. saepe. ff. de verb. sig. vel verbo illo

Fiant, intelligitur adiuncta publicatione. Alterius igitur Bullæ promulgatione hæc ipso iure tollitur.

Secundo loco tollitur Bulla hæc, vbi auctor ipsius eam abrogat, esto aliam non tulit, idque iure merito, eius enim est tollere, cuius est ponere, vt tradidit Gloss. magistr. in c. cum inferior. de maior. & obed. idē dicimus, si successor eam abroget, nam prædecessor legem successori dicere non potest, a qua discedere successor nequeat, pat enim in parem imperium, ac iurisdictionem non habet, vt habetur in capit. innotuit. ver. Quamuis. de elect. & in l. ille, a quo. §. tempestiuum. ff. ad Trebell.

Postremo extinguitur, & tollitur Bulla morte, vbi non cauisset, vt post mortem duraret, nam ex quo non lex, sed sententia est, vt probauimus in prima parte huius operis, generales sententiæ eas ferentis morte tolluntur, sicut etiam singulares. argumen. l. fin. ff. de pe. & l. i. C. de furt. & vt nos in nostro tractatu probauimus.

Quam rem animaduertentes Romani Pontifices clausulā hanc durationis addere cœperunt, vt Pius V. Gregorius XIII. Sixtus V. & nouissime Clemens VIII.

Quod autem diximus, nisi clausula illa addita esset, Bullam non operaturam, in eam sententiam accipiendum est, quoad futurum, vt scilicet, qui eam of-

fen-

fenderent, in eius poenam non inciderent, non autem quo ad eos quoniam in ipsius poenam inciderunt, quousque enim absoluantur, hi semper censuris eius, constricti erunt, vt probauimus in tractatu nostro de censuris. Nisi sic abrogaretur a Roman. Pontif. vt pro infecta eam haberi velit, tunc enim ipso iure absoluti essent, id quod etiam absoluimus in tractatu eodem; sed de duratione huius Bullae satis, ad alia transeamus.

De eo, qui absoluere ab his censuris potest.

Cap. I I.

Ceterum à praedictis sententijs nullus per alium, quam per Romanum Pontificem, nisi in mortis articulo constitutus, nec etiam tunc, nisi de stando Ecclesiae mandatis, & satisfaciendo cautione praestita absolui possit. Etiam, praetextu quarumuis facultatum, & indulgentiarum quibuscun-

que personis Ecclesiasticis secularibus, & quorumvis Ordinum, etiam Mendicantium, ac Militiarum regulis, etiam Episcopali, vel alia maiori dignitate praeditis, ipsisque Ordinibus, & eorum Monasterijs, Conuentibus, & Domibus, ac Capitulis, Collegijs, Confraternitatibus, Congregationibus, Hospitalibus, & locis pijs, nec non laicis, etiam Imperiali, Regali, & alia mundana excellentia fulgentibus, per nos, & dictam Sedem, ac cuiusvis Concilij decreta, verbo, litteris, aut alia quacunque scriptura in genere, & in specie concessorum, & innouatorum, ac concedendorum,